



6. september 2019

UKA 2019/175

Inatsisartut suleriasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

**Aalisartut piniartullu utoqqalinersiaqalereerlutik piniarlutillu aalisarpata ilanngaanneqartarunnaarnissaannut periarfissat suunersut apeqquteqaat aallaavigalugu oqallisissiasatut siunnersuut.**

(Inatsisartunut ilaasorta, Siverth K. Heilmann, Atassut)

Qujanaqisumik utoqqaat inuuneqqusiartorput, namminiilivikkiartornitsinnilu kikkulluunniit peqqissut sulerusuttullu assaat tamaviisa atorfissaqartillugit politikikkut oqaasinnaaraarput.

Inoqarpoq utoqalereerlutik sulii aalisariuteqarnermikkut akilersugalinnik ingerlaqqikkusuttunillu kiisalu umiatsiaararsornermikkut piniarneq aalisarnermikkullu isertitaqalaarpata utoqqalinersiaat ilanngaaassorneqartuarnik.

Inuit peqqissut sulilu inuiaqatigiinni aningaasarsiorusullutik suliffissaqartitserusuttut Atassut-miit isumarput malillugu inatsisartutigoortumik periarfissaasa pitsaanerulernissaat aqqittariaqarpoq. Utoqqalinersiaqartarnermi qanorpiaq nunatsinni paasisimaneripput aamma eqqartorluartariaqalerparput, utoqqalineri tapisiatut takorloorneripput, immaqaluunniit tassaanerluni inuuniarnermi isertitatut minnerpaaffiliissut.

Utoqqalinersiaqartarnermi qanorluunniit aqqikkaluarutsigu qulakkeertariaqarparput, naak utoqqalilluni sulisinnaaneq appareersimagaluartoq, piumassuseq, sulerusussuserlu innarlinngisaannartariaqaratsigu. Tassami utoqqalereersimalluta saniatigut isertitaqarsinnaaneq ersigisariaqannginnatsigu, pisortaniillu killilersorneqartariaqanngilagut atukkatta pitsaavallaalinnginnissaat pillugu qaffasinnerpaaffiliinikkut.

Ukiunimi makkunani pingaartumik aalisakkat assigiinngitsut takkukkaluttuinnarfiini aningaasarsiorneq suliffissaqartitsinerlu ataavartoq tamatta ujarparput. Pisortanut akiligassat uninneq ajorput, inuuniarnerullu ilungersunarnera nangiinnarlugu, saniatigut inuussutissaqarnissartik piniarnermut allagartat pigiinnarneqarnissaanut periarfissaqarnissaat tamattaalluta aqutissiuutsigu.